

# اسم الله الأول و الآخر | #أسماء\_الله\_الحسنى | د. حازم شومان

حازم شومان

السلام عليكم ورحمة الله وبركاته. الحمد لله وكفى وصلة وسلاما على عباد الله اصطفى الله لك الحمد كله ولك الملك كله وبيدك الخير كله واليک يرجع الامر كله. اللهم صل على عبدك نبيك محمد صلى الله - 00:00:00

عليه وسلم في الاولين والاخرين وفي كل وقت وحين. اللهم اجعلنا من عبادك الصالحين الذين تتjavى جنوبهم عن المضاجع ودعوا يامليكونا يا جميل الصنائع. اعف عن ذنبنا للعيون الدوامع. اعف عن ذنبنا - 00:00:20

لوجوه الخواش. اعف عن ذنبنا يا جميل الصنائع. يا ربنا لك الحمد العظيم. اللهم صل على عبادك نبيك محمد صلى الله عليه وسلم في الاولين والاخرين. وفي كل وقت وحين. اما بعد اخوانى واحبابى في الله. جميع مشاكل الحياة كلها. وجميع - 00:00:40

مشاكل البشرية الله سبحانه وتعالى لخصها في كلمة واحدة وهي وما قدروا الله حق قدره. ان الناس مش عارفة من هو الله. ان الناس مش قادرة ستتعامل مع الله بقدر الله. سبحانه وتعالى. ويقول لك معرفة الناس كنوز. طب معرفة الله. سبحانه وتعالى. كل اسم من

اسماء الله الحسنى ممكن - 00:01:00

بيغير كل شيء في حياتك وفي تفكيرك. وفي كل تصوراتك اسم الله التواب. ربنا بيقول لك به كل حاجة حلوة في حياتك. ادتها لك في يوم من الايام ممكن ارجعها لك تاني. بس لو انت رجعت لي اسم الله الديان. بيعرفك ان الحياة سلف ودين. كل حاجة - 00:01:20

بتعملها في الطاعة وفي المعصية. سلف ودين اسم الله الرزاق. بيطمن قلبك الحسن البصري يقول قاتل الله اقواما. اقسم الله لهم فلم يصدقوه ان الله هو الرزاق. اسم الله الرب بيطمنك ان انت لك ضهر. مهما بعده مهما عصيت انت لك ضهر. الرب - 00:01:40

سبحانه وتعالى اسم الله الودود. بيعرفك اكبر علاقة حب في حياتك. اكبر كلمات حب في الوجود مش اللي نابليون قالها لجوزيفيل. ولا اللي جاك قالها الرز في تيتانيك ولا اكبر كلمات حب في الوجود الثالث. ولله المثل الاعلى. اللي رب العالمين قالها لعباده اللي احبوهم. في القرآن وفي السنة كل اسم - 00:02:00

من اسماء ربنا بيرسم ملامح في قلبك ومشاعرك وبيغير تفكيرك وبيفرحك وبيعطيك وبيفرج جواك طاقة جبارة وقوة مهولة في مواجهة الحياة. النهاردة مع اسم من اسماء الله يا اخوانا بازن الله سبحانه وتعالى نعيش معه. الملحدين كل رسالة عمرهم انهم - 00:02:20

شوفوا الاسم ده. الملحدين كل قضية حياتهم. انهم يسبتوا ان الاسم ده مش موجود ولا له حقيقة. العلمانيين الاسم ده عدوهم وبيكرهوها هزا الاسم جدا. المتكبرين الاسم ده بينفروهم. المؤمنين الاسم ده بينور لهم طريقهم. وبيفجر طاقات جبارة من جواهم - 00:02:40

وبيفجر انوارها الى جوهر قلوبهم. اسم الله الاول والآخر. الاول والآخر. الملحدين بالنسبة لهم الاول مش ربنا. امال الاول الاول الصدفة. الاول الطبيعة ما عندهمش كان الله ولم يكن شيء معه. الاول مش ربنا قاعدين يكافحوا ليل نهار. ويقول لك لو عرفنا - 00:03:00

بس نفهم الاستارت هي ايه. هنقدر نفسركم كل حاجة في الحياة. انما الاستارت مش ربنا. بداية الوجود دي مش ربنا. بيحاربوا الاول. العلمانيين عندهم قضية الاسباب ما تخلوناش بقى ندخل في الغيبات والميتافيزيق ما تخلوناش في الغيبات الاسباب. ودراسات

الجدوى والحسابات هي كلها - 00:03:20

حاجة في الحياة الاسم ده بيخلி قلبك ما يشوفش المخلوق ما يشوفش تخطيطك. ما يشوفش سعيك. ما

يشوفش تفكيرك. لأن لو ما جتش من عند ربنا الاول مش هنيجي ، الاسم ده بيعرفك ان ربنا ما يقبلش ابدا معاملة درجة تانية. الاسم

ده بيعيد ترتيب اولوياتك - 00:03:40

في الحياة مرة تانية بيعرفك ان الشباب اللي عايش الوقت اول ما يصحى من النوم اول حاجة يعملاها يفتح الواتس وآخر حاجة قبل ما ينام ينام على صفحة الفيس يتبقى له اول غير ربنا وآخر غير ربنا في حياته كلها باختصار. في حياته كلها اتملت تعاسة وفشل. الاسم ده بيعيد لك ترتيب اولوياتك - 00:04:00

الاسم ده بيصلح لك مشاعرك في الحياة. بيخليك تتعلم التفكير الجزري. زي لما تيمور لأنك قال له من انت؟ تيمون لأنك لما اجتاج الامة الاسلامية. فواحد من المسلمين بيقول له من انت؟ قال له انا غضب الرب. هو بيتكلّم على ايه؟ ده هو بيتكلّم عن قضية - 00:04:20

رغم انه رجل ليس بمسلم بيتكلّم عن قضية جزرية. شوفوا ربنا سلطاني عليكم ليه؟ دافعوا الظالمين ولكن شوفوا ربنا سلطهم عليكم ليه؟ اسم الله الاول والآخر بيفهمك المشاكل اللي في حياة الشباب الوقتي كلها. سببها ايه؟ لا مأخرنا ربنا. لما - 00:04:40 انا ما بقاش في الاول في حياته. لما اخرنا ربنا سبحانه وتعالى. لما الصحابة قدموا الغنيمة في احد اتّهموا. لما الصحابة قدموا النزر للقوة العددية في حينن انهزموا كل حياة انسان. ربنا مش الاول فيها. في بداية اي نجاح في حياته. وربنا مش الآخر فيها المقصود الاعلى - 00:05:00

حياته حياة مليانة فشل. اسم بيصلح حاجات كتير اوّي في حياته. اسم بيفرج طاقات جبارة جواك. السانوية العامة زمان كان فيها تحسين. فكان آياً ايامنا احنا كان فيها التحسين. فكان الطالب يدخل اول سنة يلعب ويسقط. و الثاني سنة يبرطع ويجبب مش عارف ستين في المية - 00:05:20

ثالث سنة يقوم شادد ويقوم جايب كلية طب. وليه هو واحدها على تلت اربع خمس سنين تحسين. فجأة عملوها سنة واحدة لا شيء قبلها ولا شيء بعدها خلاص هي الفرصة الوحيدة من يوم ما عملوها كده الطلبة من قبل الامتحان بسنة كاملة يبدأوا يزاکروا ليل نهار ليه؟ لأنه عرفوا انها - 00:05:40

الفرصة الوحيدة اسم الله الاول والآخر بيعرفك ان ربنا هو الفرصة الوحيدة. ما لكش امل غير فيه. ربنا هو الامل الوحيد. تعالوا نعيش مع انوار والله الاول والآخر. تعالوا نعيش مع انوار اسم او اسمين من اسماء الله الحسنى. ربنا قرنهم ببعض وجابهم مرة واحدة بس. في السورة اللي سمعناها في صلاة - 00:06:00

سورة الحديد. اشمعنى في هزا الموضوع؟ تعالوا نعيش مع انوار هذين الاسمين. ونشوف ازاي ان كل اسم من اسماء الله الحسنى ممكن يطور ويغير حيّاتك ويغير تفكيرك تماماً. انا يا اخواني في الله بقى لي تلات تيام عايش مع اسم الله الاول والآخر. التلات ايام دول من اسعد - 00:06:20

ايام في حياتي. ومن اجمل تلات ايام في حياتي كل اسم من اسماء ربنا فرصة انك تعيش سعيد. فرصة انك تبقى ناجح. فرصة ان قلبك ينور فرصة ان الاليف ستايل بتاعتك كلها وطريقة تفكيرك في الحياة تتغير. فرصة لكل حاجة نفسك فيها. وكل خير تعرفه. او ما تعرفوش. نبدأ - 00:06:40

اول معنى من معاني اسم الله الاول والآخر. الاول والآخر في الوجود. اول معنى وده ابسط معنى. لو سألت طفل صغير يعني ايه الاول والآخر؟ الاول والآخر في الوجود. يعني ايه الاول يا جماعة؟ الاول الذي لم يسبقه العدم. يعني ما كانش فيه عدم وبعد كده بقى فيه ربنا. لأن الله - 00:07:00

لم يسبقه العدم. ولو كان سبقة العدم كان الاول بقى هو العدم. كل المخلوقات سبقة العدم. لها اول ولها اخر. سبقة العدم ويتلواها الفناء. الله لا يسبقه العدم ولا يلحقه الفناء. كلمة جبارة. اللي يفكر في الكلمة دي كلمة جبارة. يعني ربنا فوق الزمان وربنا فوق المكان. الناس اللي - 00:07:20

تسأل اسئلة وجودية بطاقتها الذهنية دي ناس مش قادرة تتخيل من هو الله. زي حديث النبي عليه الصلاة والسلام اننا نرى ربنا في

الجنة لا تضامون في رؤيته. يعني ايه لا تضامون؟ لو واحد دخل من باب المسجد فباقول لكم شايفين الراجل اللي داخل ده اللي هنا -

00:07:40

مش هيشفوفوه كله لازم بييجي من الفيو بتاعتي عشان يعرف يشوفه. كله لازم يتضم على بعضه من فيو واحدة عشان يشوفه. لا تضامون في رؤيته اللي هنا واللي هنا واللي هناك واللي قدام واللي وراء واللي في الشرق واللي في الغرب كله يرى الله زي الثاني. ازاي؟ يا ابني قوانين المكان ما بتحكمش ربنا - 00:08:00

ربنا اللي خلق المكان. وربنا اللي خلق الزمان. الاول والآخر. انما كل البشر وكل المخلوقات من عدم الى عدم. قلبك يتعلق بالعدم ليه قلبك يتعلم بيتعلق بالفاني ليه؟ يعني من خمسة من خمسة ملليار سنة ما كانش فيه حاجة اسمها مجردة التبانة. وبعد - 00:08:20 خمسة مليون سنة مش هيobic في حاجة اسمها الشمس. تعالوا نعمل رحلة كده. رحلة نركب الله الزمن ونركب رحلة. رحلة للماضي لو نزلنا في الماضي كل ما هنرجع وراء في حاجة فجأة هتختفي من مكونات الوجود. وبعد كده حاجة لحد ما ييقاش فيه غير ربنا. تعالوا نعمل رحلة للماضي بعد - 00:08:40

مئات الالاف من السنين اختفى الانسان من الوجود ما عادش انسان. طب بعد مئات الالاف من السنين ما عدش فيه كائنات حية على الارض اصلا. طب بعد حوالي اثنين مليون سنة - 00:09:00

ما عدش فيه ارض اصلا. وقبلها ما عادش فيه قمر اصلا. طب بعد خمسة مليون سنة لورا ما عدش فيه حاجة اسمها شمس. طب بعد كذا مليون سنة حوالي اربعة مليون سنة ما عدش فيه مجردة التبانة اصلا. طب ارض اكتر ما عدش فيه ملائكة ما عدش فيه عرش لم يكن الا الله سبحانه وتعالى. الله - 00:09:10

الاول. طب تعالوا نركب الله الزمن ونطلع لقادم. النجوم هتنكدر. السماء هتتشقق. وهتتفطر. الجبال هتسير. كل انسان كان هيموت كل سكان السماوات هيصعقوا ويموتوا. لن يبقى الا الله سبحانه وتعالى. الاول والآخر. عشان كده الملحدين - 00:09:30 هيتجنوا من الاسم ده؟ لأن ما تقولوش ربنا الاول. استغفر الله العظيم ليه؟ لأنهم عايزين يقولوا ما فييش ربنا. فلو قلتوا الاول يبقى انت فسرت لي كل حاجة في الوجود. انا - 00:09:50

اجيب لك تفسير لكل حاجة من غير وجود ربنا. يا راجل! هتجيب لي تفسير للكبد والكلى والالاف ملليار جزيء والالاف ملليار غنية اللي في جسمي اه من غير ربنا. هتجيب لي تفسير للعشرين مليون نوع كائن حي على وجه الارض! اه من غير ربنا! ازاي! صدفة! يا راجل! والطبيعة! يا راجل - 00:10:00

استنوا بس هنعرف ريهستارت ونقول لكم تخيلوا يا جماعة لو واحد جاب ابرة وحطها كده وقام جايب ابرة من بعيد كده قام راميها قامت دخلة في سقب الابرة الاولانية. فانت بصيت للمنزه مش ممكن ده ايه النشان المزهل ده. فواحد جه قال لك على فكرة عارف اللي نشن ده اه ده طفل اعمى - 00:10:20

ما بيفهمش حاجة. كان بيلعب. يا راجل! قام واحد تاني قال لك لأن ده واحد نشنجي ما حصلش. تصدق مين؟ طب استنى بقى. واحد قام راشق ابرة قامت جاية في سقب الابرة الاولانية. قام راشق ابرة تانية جت في سقب الابرة الثانية. ابرة تالتة في سقب الابرة. ابرة رابعة ابرة خامسة كل واحدة تيجي في سقب اللي قبلها - 00:10:40

قام واحد قام جاي قال لك ده طفل اعمى بيلاعب. وجه واحد تاني قال لك ده واحد نشنجي عبقرى. تصدق مين في الاثنين؟ طب الموضوع مش عشر ابرات جم في - 00:11:00

بعض انت الخلية الواحدة في جسمك فيها مليون جزيء ما فييش جزيء الا وهو شابك في كل ابرة دخلة في الابرة الثانية. شابك في الثانية بقمة ازاي بقى؟ الكلام ده كله جه ازاي؟ لو شلت غشاء الغالية تموت لو شلت نواة الخلية تموت. لو شلت الدي ان ايه تموت. لو شلت الماي تونق الدنيا تموت. لو شلت - 00:11:10

انت لازم تموتوا. لو شلت ما فييش. كله شابك في بعضه. يبقى ازاي بجد طفل اعمى وبيلاعب؟ طبيعة عميماء وصدفة حصلت. ازاي من غير ربنا سبحانه وتعالوا هم عايزين يقولوا ان بالزبط كده واحد بيقول لك كان فيه مصنع خردة قنبلة انفجرت فيه قامت مطلاعة عربية

بي ام يا راجل اي والله - 00:11:30

هو ده اللي حصل. يا سلام! واحد تاني بيقول لك ده كان فيه شوية حديد هنا حصل زلزال طلعوا الموبايل الایفون سفن بلس. يا راجل! ازاي احنا قاعدين مع بعض يا اخوانا كده من كلية هندسة. واحد قاعد يشرح الوقت المباني قائمة على تصاميم خلق الانسان. يقول لك فيه قانون في الجسم اسمه واحد وستة - 00:11:50

من عشرة بالتهريب كده لو من الكتف للايد عالة من الكوع للاصابع واحد وستة من عشرة. لو من الفخذ لصوابع الرجل على من الفخذ للركبة واحد وستة من عشرة. لو من القورة دهي من الجبهة للدفن على من الجبهة للانف. واحد وستة من عشرة. لو - 00:12:10 من اربنة الانف للدفن على من اربنة الانف للشفايف واحد وستة من عشرة. قال لك دي اجمل نسبة تريح. دي بقى انفجرت في مصنع خردة قبلة طلعت لك عربية بي ام طلعت لك بني ادم بالاعجاز الهندسي ده كليات الهندسة دلوقتي وعباقرة الهندسة بيقلدوا مقاييس جسم الانسان - 00:12:30

عشان يريحوا العينين ويتنظر للمباني. ازاي يا اخوانا؟ الاول تخيل واحد جاب خزنة كده وقام عامل لها باسورد اربع ارقام فجه حرامي عايز يسرقها مش عارف الاربع ارقام. قال لك فيه كم احتمال الحرامي يحتاج يعملهم عشان يفتحها؟ قال لك عشر تلاف احتمال. كل فك شفرة اربع - 00:12:50

ارقام عشر تلاف احتمال. طب الخلية الواحدة الذي ان ايه اللي فيها؟ ستة مليار شفرة. كل شفرة اربع ارقام. اربع قواعد قال لك عشان دي ان ايه خلية واحد يتعمل. انت تحتاج اربعة تتضرب في نفسها ستة مليار مرة - 00:13:10 عشان تجيب احتمالية ان بعد اربعة اس ستة مليار يتكون دي ان ايه. يتكون دي ان ايه خلية واحدة مش الف مليار خلية جسمك ومش بي ان ايه عشرين مليون نوع كائن حي. ازاي يعني؟ الكلام ده ييجي ازاي؟ هم عايزين ينفوا الاول. عايزين ينفوا ان الله سبحانه وتعالى الاول - 00:13:30

عشان كده يا اخوانى في الله الاسم ده الملحدين بيكرهوه او. والملحدين عايزين يقول لك لا من غير الاول الكون ده كله وجد. الاسم ده لما اعرف ان ربنا هو الاول والآخر وفي الوجود. تحس بايه؟ تحس بالغنى الرهيب. لما اقول لك ده في واحد قعد خمس تلاف سنة في الصحرا من غير لا اكل ولا شرب. بيقى مش تحتاج اكل - 00:13:50

اكل وشرب. طب ربنا من غير ملائكة ومن غير عرش ومن غير بشر. ومن غير اي حاجة في الوجود كان الله ولم يكن معه شيء. بيقى مش تحتاج لشيء. تعرف ان ربنا يعني ربنا قبل الملائكة وقبل العرش وقبل البشر. وقبل السماوات كان ربنا موجود. سبحانه وتعالى - 00:14:10

يعني كل شيء في الوجود مبني على ربنا. يعني كل علم جه بعد علم الله الاول. يعني كل قدرة جت بعد قدرة الله الاول. يعني ربنا هو اللي اعطى كل شيء كل شيء سبحانه وتعالى. الاول والآخر في الوجود معنى جبار. معنى يكسر قلبك لجلال الله. وانت - 00:14:30 ارفع ايديك و بتقول يا رب المعنى الثاني. الاول والآخر في الامر والسيطرة والهيمنة والقرارات في الكون. الاول والآخر اخر في الاوامر في الكون. الاول وفي الآخر يا جماعة عارف يعني ايه الاول والآخر؟ بالتعبير العامي كده. يعني الكل في الكل. يعني الكل في الكل عشان - 00:14:50

كده سيدنا يوسف لما جو له في السجن بيقولوا له الملك عايزك ارجع الى ربك. ارجع الى ربك. مش خايف من مأمور السجن. مش خايف انك في مكان اصلا سيطرة - 00:15:10

الطلابين المقيمين عليه ربنا هو الاول والآخر. اللي عارف يعني ايه الاول والآخر ما يتلهفش على باب مخلوق. لانه عارف ان كل البشر اجزيروه كل الاسباب بك زورو. ازاي؟ كل ده تسخير من الله سبحانه وتعالى. انما ربنا هو الاول والآخر. عشان كده ربنا يقول لك كل - 00:15:20

هو في شأنه هو هو بس. ما حدش يقدر يتصرف في امور الكون غيره. عشان كده ربنا قال لك هو الاول والآخر هو بس والبشر بك زورو. عشان كده النبي عليه الصلاة والسلام كان بينام على اسم الله الاول والآخر. قبل ما ينام يقول انت الاول. فليس قبلك شيء -

وانت الاخر فليس بعده شيء. قبل ما ينام عارف يعني ايه فليس قبلك شيء. انت ربنا ليس شيء قبله في قلبك انت ربنا ليس شيء بعده في حياتك. انت فاهم معنى الكلام الكبير اوي اللي النبي عليه الصلوة والسلام كان بيقوله لربنا قبل ما ينام عشان النبي ينام -

00:16:00

ليس في قلبه الا الله. لا حد ولا حاجة في قلب النبي غير الله. سبحانه وتعالى. الله هو الاول والآخر. عشان كده يا اخوانى يقول لك مسلا ايه المظاهرة اللي حصلت في الدولة الفلانية. اه ده في شباب نزل وسخنوها وكبروها. يقول لك يا عم انت مش فاكر. ده فيه دولة تانية مسلا مسلا يعني يا جماعة. ده فيه دول -

00:16:20

امريكا هي اللي عملت حاجة الاول فبدأت الناس تتلم عليها فبقت مظاهرة. يعني قصدهم ايه؟ قصدهم ان في حاجة حصلت الاول. بس ما حدش واحد باله منها ما حدش عارفها. يعني ايه الله الاول والآخر؟ يعني ايه ربنا الاول والآخر؟ يعني ربنا الاول والآخر في الكون ده كله. عشان كده من معاني -

00:16:40

الاول والآخر الاول والآخر في قلوب الصالحين. في قلوب الصالحين هو الاول والآخر هو الكل في الكل. هو كل حاجة. سيدنا محمد لما كان يرجع من السفر يرجع المسجد الاول. ربنا الاول في حياته لما يرجع بلده ووطنه تاني. عشان كده سيدنا محمد لما احتاج الرزق قال يا رب. ولما احتاج عافية -

00:17:00

قال يا رب ولما احتاج المغفرة قال يا رب. ولما احتاج الرفع قال يا رب. ولما احتاج النصر قال يا رب. ولما احتاج الخير قال يا رب. ولما احتاج كل -

ليه؟ لأن هو الاول والآخر. سيدنا يونس اول ما اترمى في بطن الحوت اول حاجة جت في قلب ربنا. لا الله الا انت سبحانهك اني كنت من الظالمين. سيدنا ادم اول ما نزل الارض اول حاجة تبعد الله باسمه الاول بنى بيتات الایمان والکعبه. والمسجد الاقصى -

الاول الاول هو الاول فليس قبله شيء. الاول والآخر الاول والآخر في الاغاثة. والحفظ والنصرة لما النبي عليه الصلوة والسلام يقول له انت الاول فليس قبلك شيء. وانت الاخر فليس بعده شيء. انت عايز تعيدي بحر. فاقول لك دي السفينة الوحيدة -

00:17:50

قبلها ولا بعدها. لو السفينة دي فاتتك ما فيش حاجة تانية. واقف على شريط القطر. اقول لك القطر اللي جاي ده ليس بعده شيء. لو القطر ده فاتك ما فيش قطر تاني جاي. هتبات هنا. شريط دواء. المصنع ما طلعش غيره في الصيدلية. وانت نازل يا تلحقه يا ما تلحقوش. ليس بعده شيء -

00:18:10

شيء يعني ايه ؟ ان ربنا لا قبله ولا بعده. يعني انت ما لكش غيره. يعني ربنا الامل الوحيد. يعني لو ما من عند ربنا الاول ما هييش هتيجي. يعني لو ما جتش من عند ربنا الاول مش هتيجي. عشان كده من معاني الاول والآخر الاول -

آخر في التغيير في حياتك انت. انت نفسك ان حياتك تتغير. انت نفسك ان حياتنا تتغير. الاول لازم ربنا يأذن بالتغيير الاول لازم ربنا يفتح لك الباب. عشان كده اول سورة في القرآن كله الفاتحة. ليه؟ لأن ربنا بيقول لك لو ما اتفتحتش من عند ربنا الاول -

00:18:50

لو ما جابتش فتح الاول لا مجهد ولا تخطيط ولا تفكير هيوصلك لربنا حتى في الدين تبعد الله باسمه الاول ان لو ما جتش من عند ربنا الاول ما هياش هتيجي. ربنا الامل الوحيد. والحل الوحيد سبحانه وتعالى من معاني الاول والآخر. من المعاني الجباره لاسم الله -

00:19:10

الاول والآخر الاول والآخر في القدر. يعني انك انت تفهم ان كل قدر حصل انت الوقت دخلت الجامع اه اصل انا ناصح. اصل انا عارف مصلحة ديني. الشباب اللي واقف بيحدو الوقتي على ناصية الشارع. ده مش فاهم انا اللي فاهم. انت في نسب -

00:19:30

ازكي منك مليون مرة وواحدين نوبل وبيسجدوا البقر. الایفون اللي اخترعه اللي عمله والابياد اللي اخترع كان واحد بوزي او هندوسي انا متبوع دي انا من ديانة الهنود. اللي هو ستيف جوبز. يعني ما كانش حتى كان متبوع ديانات ديانة من ديانات الهنود. انت

مین اللي قال لك ان انت دخلت الجامع بزكاءك؟ ربنا - 00:19:50

الاول انك في كل نعمة في حياتك تعرف ان الاول ربنا اللي جابها لك. فما تبصش للتخطيط بتابعك. وللاسباب بتابعتك انت زاكرت ونجحت اه انت نجحت جميل جدا. ها حصل ايه عشان تنجح بقى؟ خدت دروس وزاكرت واجتهدت وسهرت بس ربنا هو الاول - 00:20:10

لولا ربنا اللي فتح من البداية ما كنتش بدأت. ولو لا ربنا الاخر اللي تتم بالخير للنهاية. ما كنتش انتهيت على خير. انك انت تفهم يعني ايه ايه الاول والآخر في القدر؟ ان كل قدر حتى الابتلاءات هو الابتلاءات ربنا الاول فيها اه بس المعنى ده مش حلو انك تقول ان ربنا هو الاول في الابتلاء - 00:20:30

لا يا اخوانا يعني تخيل عربية بي ام جميلة جدا. تحفة! عاملين فيها فرامل ليه! ده انا جايب العربية دي عشان اطير وانطلق! عاملين فيها فرامل ليه اه بالضبط كده من غير الفرامل دي انت هتموت حتما حتما لو ركبتها. الدنيا ربنا جابك عشان تعيش سعيد وعشان تفرح. طب فيه ابتلاءات ليه؟ الدنيا مش كلها - 00:20:50

نعم ليه؟ الابتلاءات دي الفرامل الربانية. اللي لو مش موجودة في الدنيا ولا واحد مننا كان زمانه في الجامع دلوقتي. لا انا ولا انت اصلا. دين فراغ اللي لما بتيجي تبعد عن ربنا بيووقفك بها. عشان ترجع لربنا تاني. يبقى الوقت واحد ماسك عصاية وضربك تقدر تتشكل مع - 00:21:10

العصايا ما تفكر هو ضربك ليه؟ يعني انت قصدك ايه؟ يعني لما ربنا يسلط علينا الظالمين واليهود وامريكا والحكام الزلمة ما تفكر ربنا نسب الظالمين ليه؟ يعني قصدك نبقي سلبيين وما ندافعهمش لأننا. بيدافعهم دي عبادة وتفهم ربنا سلطهم عليك ليه - 00:21:30

عبادة تانية انك تعرف الابلاء ده ربنا قدره ليه؟ لما تعصي ربنا سبحانه وتعالى. اه صحيح الشيطان عليك. اه صحيح شهوتك غلبتك اه صحيح انت ضعفت. انما لازم تسأل نفسك لما زرتكم تعصيهم؟ الحافز اعرض ليه؟ ربنا سبب الشيطان يغلبك ليه - 00:21:50

ربنا ما حفظكش هنا ليه؟ ابواب طاعة ربنا فتحها لك وانت استكترت عليها. ولا زنوب استهنت بها وربنا سبحانه وتعالى اعرض عنك عليه بسببيها ولا طاعات عملتها ودخل جواك الكبر وربنا بيربيك. انك تتكسر له تاني. فسببك مرة تقف - 00:22:10

اه عشان تتكسر لربنا تاني لازم تفكر ليه؟ يبقى ازا الاول والآخر في القدر. ان انت دلوقتي مسلم ربنا قدرها لك. ربنا اول في نعمة الاسلام. ربنا اللي كتب لك الاول انك تدخل المسجد هنا. دخلت بسببيه هو. ربنا سبحانه وتعالى حتى في جسمك. انت من خمسين الف سنة - 00:22:30

مكتوب اسمك وطولك بالصمت ولو عنيك وزنك بالكيلو. والمدرسة اللي دخلتها في ابتدائي واعدادي وساني. والكلية اللي انت دخلتها. واسم ووالدتك والشقة اللي انت سكنت فيها. واسم اللي انت هتتجوزها واسم العيال اللي انت هتختلفهم. ربنا سبحانه وتعالى مقدر من قبلها. عشان كده احد - 00:22:50

السلف قال كلمة عقيرية. لما سمع حديث النبي عليه الصلاة والسلام كان الله ولم يكن معه شيء. ثم خلق القلم فقال له اكتب فقال ما اكتب يا رب؟ قال اكتب ما هو كائن الى يوم القيمة. احد السلف سمع الحديث ده. فعرف ان معنى كده - 00:23:10

ان كل ضحكة في حياتك ربنا رتبها لك من خمسين الف سنة. ان كل هداية في حياتك ربنا قدرها لك من خمسين الف سنة. ان كل لقمة ورزق وثمرة فاكهة وفرحة وضحكة في عمرك ربنا رتبها لك من خمسين الف سنة زي ما كده تجي لي البيت مسلا اقول لك ده انا ومراتي قاعدين نطبخ - 00:23:30

بقى لنا اسبوع من الناس عشان نطبخ لك. فانت تقول لي ليه؟ انت بتقهرني على الاكل ده ليه؟ يا عم ده انا بقول لك انا تفرحك. انا بارتب لك. فقال احد السلف لما سمع الحديث ده قال لفرحي باول هذا الامر - 00:23:50

اعظم من فرحي باخره. شوفوا المعنى الرهيب. بيقول لهم فرحتي باول الامر ده ان ربنا من خمسين الف سنة كتب لي دخلة الجامع ده ايه؟ كتب لي الفرحة والرزق والهدایة والنور والصحبة الصالحة اللي اداهم لي - 00:24:10

امك اكتر من فرحتي الوقتي وانا بدوقة عطاء الله. فرحتي ان ربنا رتب ده عشاني. فرحتي ان ربنا قدر ده عشاني. فرحتي ان ربنا

كتب ده عشانى لفرحي باول هذا الامر. اعظم من فرحي باخره. الاول والاخر في القدر انك تشهد ان في كل نعمة ان - 00:24:30  
ربنا الاول فيها مش تخطيطك هو اللي جابها. مش تخطيطك هو جاب الكلية اللي انت دخلتها ديت. ربنا الاول. في كل نعمة افتكر ربنا الاول. في كل ابنتاء افتكر ربنا الاول ليه ؟ لما تقع في كل معصية افتكر ربنا الاول. ليه ؟ فكر تفكير جزري. ساعة كل مشكلة افتكر ربنا الاول. لو ما جاش الحل من عنده مش - 00:24:50

لما تيجي تغير حياتك وتنوي انك انت تقوم قومة جديدة وتغير الحاجات الوحشة اللي في حياتك افتكر ربنا الاول. لازم الاول يبقى من عند ربنا لازم تبقى من عند ربنا الاول. كل حدث في حياتك افتكر ربنا الاول. افتكر ربنا الاول. عشان كده قلت لكم في الاول ان اسم الله الاول والاخر - 00:25:10

بيغير تفكيرك. بيغير تفكيرك في كل حاجة. ازاي ؟ وبيغير مشاعرك. ما عدش يبقى فيه حقد وحسد. ليه ؟ هو انت ربنا اداك دي ليه ؟ يا ابني ربنا الاول ما تحدش على اخوك انه خد حاجة لان ربنا الاول هو اللي اداها له. ها هتكره ان ربنا هو اللي اداها له يبقى انا مش عقد واحد على حد بقى - 00:25:30

لاني هشهد ان ربنا هو اللي ادى له دي الاول. فهطلب من ربنا زي ما ادى له يديني. ما عدش هيبقى فيه كبر وعمر. ده انا صليت امبراح قيام ليل - 00:25:50

ودعينت وكانت ايه ! ما اقولكش ليلة ما حصلتش. لأ ربنا الاول هو اللي يسرها لك. يبقى ما تبصش نفسك. ده احنا بنينا بيئه ايد وفيها طلب علم وفيها دروس ايمانية وفيها حفظ القرآن وفيها قوافل خيرية لأ ما تبصش انك بنيت ربنا الاول. ده انا حفزت - 00:26:00  
ربنا الاول يبقى ما فيش كبر وعمر بالعمل بتاعك ، ليه ؟ لأنك عارف ان ربنا الاول هو اللي اداك ده سبحانه وتعالى. كلمة الاول دي محور في حياتك. ما عدش يبقى فيه كسل. ليه ؟ لأنك تفتكر الامر الاول قبل الامر. يبقى فيه دعاء ليه ؟ لأن عارف انها الاول لازم تيجي من - 00:26:20

عند ربنا تفكير جزري ولو شاء الله لسلطهم عليكم. هو ربنا سلط علينا امريكا ليه ؟ هو ربنا سلط على الدول الاسلامية حكام زلمة هو ربنا سلط علينا التتار والصلبيين زمان ليه ؟ هو ربنا سلط علينا اليهود ليه ؟ هو ربنا سلط علينا الحكم اللي اللي - 00:26:40  
دخلوا الخمور في دولة السنة واللي بيعملوا حاجات غير ليه ؟ ربنا الاول. شف ليه ؟ شف الاول ايه المشكلة اللي انت انت عملتها خلت ربنا يسيب الزالمين يتسلطوا عليك. بعد ما كان حظك منهم شف الاول القصة سبها ايه ؟ ربنا الاول سبحانه وتعالى - 00:27:00  
الاول والآخر في القدر. مش بس في القدر. كل حاجة لها اول وآخر. لما اقول لك يا عم هات آآ انا عارف اولك من اخرك ايه. انا عارف انما ربنا اول قبل كل اول. واخر بعد كل اخر. فاي مخلوق عظمته لها حدود. له اول من اخر. ولكن ربنا سبحانه وتعالى - 00:27:20

قال عظمتم بلا حدود. سبحانه وتعالى. الاول والآخر. في كل حدس من احداث حياتك. يعني ابن القيم قال كلمة خطيرة جدا في طريقة هجرتين. قال فالله هو اول كل شيء وآخره. كلمة جميلة اوي. يعني اول كل امل - 00:27:40

واخره. اول كل مشروع وآخرها. اول كل كليتك وآخرها. اول كل سعي ناجح في حياتك وآخره. يعني ايه ؟ يعني انا باجي احفز قرآن. انا بادى آآ اعمل مشروع تجاري. انا بادى في كلية لسة داخل سنة اولى. انا داخل فالله اول كل شيء - 00:28:00

يعني خليك مع ربنا من البداية للنهاية. اسم الله الاول. يعرفك ان ربنا فتحه هو بداية كل شيء. واسم الله اخر يعرفك ان ربنا هو مقصد كل شيء. فاسم الله الاول والآخر يعرفك ان ربنا هو البداية والنهاية. فتبقى مع ربنا في كل - 00:28:20  
حاجة من بدايتها ل نهايتها انك انت يبقى ربنا الاول والآخر خلي ربنا الاول والآخر في كل حدس من احداث حياتك. ازاي يا جماعة ؟ الكلام ده خطير اوي. اللي هيفهم اسم الله الاول والآخر هيحس في قلبه بعظامه تجاه الله. ويحس انه فهم القضية فين. ويحس ان مين الكل في - 00:28:40

كل ويحس انه فهم مين الحل الوحيد ويحس انه مش هيقف على ابواب زورو وهو مش واحد باله وقاعد يضيع عمره ويحس انه فهم ايه الخطوة الاولى في اي نجاح ؟ وایه الخطوة الاخيرة ؟ الله الاول والآخر. لو كان ربنا قال الاول بس كان يبقى فيه - 00:29:00  
و فيه الثالث وفيه الرابع. عشان كده المرة الوحيدة في القرآن اللي ربنا جاب فيها اسم الاول جاب بعدها على طول الآخر. ليه ؟ عشان

ما ينتهي لکش ان فيه اول وفيه تاني وفيه تالت وفيه رابع. فربنا الاول بس فيه غيره هو الاول والآخر. يبقى ربنا الاول والآخر في كل حدث في حياتك - 00:29:20

الشباب الوقتي لما اخر ربنا لما خلی شهوته قبل ربنا لما خلی رغباته قبل ربنا لما خلی مصلحته قبل ربنا سبحانه وتعالی خسر ايه! كل حاجة في حياته بازت. كل واول حاجة بازت هي السعادة. هي الاستقرار والسكنينة النفسية. لو الاول راح من حياتك ما عدش فيك - 00:29:40

ما عدش فيه حاجة جديدة هتحصل. ما عدش فيه بداية نجاح. ولا بداية سعادة. ولا الراحته تغير. ولو الراحته من حياتك. ما عدش فيه لحاجة. ما عدش فيه مشروع يتم. ما عدش فيه نجاح هيت. ما عدش فيه فتح ولا نصر هيت. عشان كده امريكا والاعصار اللي حصل في امريكا اه - 00:30:00

اه الريح اتحركت. مين اللي حرك الريح؟ مين اللي حرك الريح الاول؟ انك تفهم الاول والآخر بحرك الدنيا ازاي؟ فيه ناس بتبعد ربنا باسمه الاول بس ما يعرفوش اسمه الآخر. وناس بتبعد ربنا باسمه الآخر بس ما يعرفوش اسمه الاول. فيه ناس بتبعد ربنا باسمه الآخر زي الملتزمين - 00:30:20

اللي قاعدين في الجامع دلوقتي. ربنا هو مقصد حياتهم هو اخر غايتها. ولكن مش عارفين بالله يوصلوا له. مش عارفين امشوا في طريقه بالله. وفي ناس ربنا هو الاول في حياتها بس مش الآخر. في ناس بتصلني. وبتصوم بس ربنا مش مقصد عمرها. ممكن - 00:30:40

كبير او ممكن لعيوب رياضي كبير. هو ممكن يصلني ولكن ربنا مش مقصد عمره. ربنا مش غاية حياته. ما فيش نجاح في الحياة. غير لما ربنا يبقى الاول والآخر في حياته. فمنه تبدأ واليه تنتهي. اللي النبي عليه الصلاة والسلام قالها في صحيح مسلم - 00:31:00  
انا بك واليوك. انت البداية والنهاية في حياتي يا رب. انت الاول والآخر في حياتي يا رب. قضية كبيرة اوبي. انك انت تخللي الاول والآخر في كل حدث في حياتك. الاول والآخر. الاول والآخر في خط سيرك في الحياة. تقدر انك انت من ساعة - 00:31:20  
ما تصحى لحد ما تنام يعني الشاب اللي بيصحى على الواتس وينام على الفيس يصحى على برامج اخبارية وينام على برامج مش عارف ايه يصحى على مات اصحابه وينام على مكالمة بنت بيحبها. البنت اللي اول ما تسمع ان فيه فاشونيستا بتتحبها نازلة مول ولا مطعم تنزل تجري وراها - 00:31:40

الاولويات دي لما تترتب في حياتنا تاني بقى يا جماعة. هتترتب ازاي؟ ان ربنا يبقى الاول والآخر في خط سيرك. ازاي؟ انك انت تبدأ يومك بالله عشان كده النبي عليه الصلاة والسلام لما كان ينام يختم يومه بايه؟ انت الاول فليس قبلك شيء. وانت الآخر فليس بعدك شيء. انك - 00:32:00

انت في كل مرحلة من مراحل حياتك يبقى ربنا الاول فيها. انت الوقتي في سانوية عامة طالب السانوية العامة. اول حاجة بيضحي بها عشان مواعيد الدروس ومواعيد نومه مواعيد الصلاة في جماعة. يا ابني ليه؟ يا ابني ما تبدأ مع ربنا. يا ابني يا اللي عايز تدخل في طريق الهدایة ابدأ بالقرآن. ابدأ مع اهل العلم - 00:32:20

ما تبدأ صح. اسمه الاول بيعملك تبدأ صح ازاي. واسم الآخر بيعملك تنتهي. صح ازاي؟ واحد اتخرج حفلة كلية تجارة الدفعه مش عارف ايه بتعمل ايه؟ جايين الراقصة الفلانية يا اخواننا ربنا الاول. ما تبدأوا مستقبلكم بعد التخرج معه - 00:32:40

انتم اول حاجة بتبدأوا بها مستقبلكم انكم تأخرتوا ربنا. وتقدموا شهوتكم في نقطة معينة. واحد جاي يتجوز ولا بنت داخلة اول حاجة تبدأ بها الموديلات بقى اللي تبقى نار بقى تجنن الشباب وانا ماشي في الجامع. يا بنتي ما تبدأي ابدأ كل مرحلة في - 00:33:00  
بالله. ابدأ مع الاول. ابدأ يومك بالله وانهي يومك بالله. ابدأ يومك بالذكر وانهي يومك بالذكر. ابدأ طريق الهدایة بالقرآن اي مشروع في حياتك ابدأ بالدعاء. ابدأ بالطاعة. لان ربنا الاول. لو ما جاش النجاح من عند ربنا الاول مش جاي - 00:33:20

لو ما جاش التوفيق من عند ربنا الاول مش جاهز. لو ما جتش من عند الاول ما هياش جاية. قضية كبيرة اوبي. انك انت يبقى ربنا الاول في خط سيرك. عشان كده يا اخواننا في ناس بتبدأ صح و بتنتهي غلط. ناس كتير من اللي قاعدين قدمامي بيببدأوا في الالتزام

غلط يعني انت بدأت في الالتزام حضرت دروس قلبك اتشحن بالايمان. اقبلت على الله قررت ان ربنا الاول والآخر في حياتك بس بس يا ايها الذين امنوا لا تلهكم اموالكم ولا اولادكم عن ذكر الله. ومن يفعل ذلك فاولئك هم الخاسرون. دخل الكلية - 00:34:00 بدأ الكلية تشغله عن ربنا شوية. اتخرج بدأ الشغل ياخذ حته تانية من قلبه. اتجوز مراته خدت حته تالتة من قلبه. خلف اولاده خدوا حته رابعة من قلبه. بدأ مشاريعه تكبر. توسعاته وطموحاته الدنيوية خدت حته خامسة من قلبه. في الآخر ما عدش ربنا الاول والآخر في حياته. يبقى بدأ - 00:34:20

ربنا صاح ولكن ما عرفش يكمل مع ربنا. العكس بقى رجال لا تلهيهم تجارة ولا بيع عن ذكر الله واقامة الصلاة فيه ناس مكملة مع ربنا صح يبقى خلي الاول والآخر هو خط سيرك. الاول والآخر ده اسم بيعتير الليف ستايل بتاعتكم. بيعتير - 00:34:40 طريقة التفكير بتاعتكم في الحياة. بيديك امل جبار. الاول في فطرتك. سيدنا ادم لحزة ما اتخليق وهو مغمض عينه كده يفتح عينه سيدنا ادم عليه السلام يلاقي نور وكتائب نورانية وكميات جباره - 00:35:00 وبتسجد لله العلي العظيم. يفتح عينه يشوف جلال المشهد. بيسجدوا لمين؟ بيسجدوا لك انت يا ادم، ويلاقي كائن تاني واقف شكله الاول في فطرتك. اول حب سكن قلبك هو ربنا. اول نور له مس قلبك هو نور ربنا سبحانه وتعالى. كل حب في حياتك اولاد دنيا شهوة كل ده عارض في قلبك. الحب الاصللي الوحيد في فطرتك هو الله. الاول في قلبك هو الله سبحانه وتعالى - 00:35:20 هو الاول والآخر في اولويات حياتك. يعني ايه في اولويات حياتك؟ قال تعالى قل ان كان اباوكم وابناؤكم واخوانكم وعشيرتكم واموال اقتربتموها وتجارة تخشون كсадها ومساكن ترضونها احب اليكم من الله ورسوله وجاهده - 00:36:00 في سبileه فتربصوا حب ياتي الله بامره والله لا يهدي القوم الفاسقين. لو ربنا مش الاول في حياتك قبل كل المحبوبات الدنيوية يبقى انت ماشي في سكة وحشة. والعياذ بالله. يبقى انت مهدد والعياذ بالله. لو ربنا مش هو الاول في حياتك. خل ربنا الاول في اولوياتك - 00:36:20

خلي ربنا زي يوم ما اتخليقت كده الاول في قلبك. عايزين وقفه برضو يا اخواننا مع اسم الله الآخر. لأن اسم الله الاول يعني رفض البداية الصح منين؟ بيعتيرك لو عايز تغير اي حاجة في حياتك. بداية التغيير ازاي؟ بيعتيرك الامل الرهيب في حياتك - 00:36:40 ازاي ان اي حاجة ممكن تتغير مع الله الاول؟ اسم الله الآخر. يعني ايه الآخر؟ الآخر بقى لي كتير اوبي. اول معنى للآخر الباقي. يعني ايه الباقي يوم ما اتولدت والدك قلبك رقص من الفرحة. وانت لما هتختلف عيل واول ما هييجي يقرأ الفاتحة وهو بيكسر فيها قلبك هيرقص من الفرحة. ابنك ده هيكبر - 00:37:00

وهيخرج وهيتجوز وهيشتغل وهيختلف وهيعجز وهيموت. يبقى كل مخلوق له اخر. ولكن ربنا لا سبحانه وتعالى. كل حاجة بتزول القوة بتزول ثم جعل من بعد قوة ضعفا. قوتك هتنزول. الاسباب هتنزول. اي حاجة في اي لحظة بتزول وبتختلي عنك. يا انت - 00:37:20

بتسيبك. انما ربنا كل شيء هالك الا وجهه. الله سبحانه وتعالى. لما كل البشر هيموتوا. والملائكة تموت. وحملة العرش تموت ولا يبقى في الكون الا سبحانه وتعالى. ويقول انما الملك اين الجبارون؟ يبقى الآخر يعني الباقي. الآخر - 00:37:40 يعني الغاية العظمى من الحياة. يعني ربنا الغاية العظمى لحياتك. وان الى ربك المتنهى. يعني ربنا نهاية غايتك ونهاية امالك الآخر كل حاجة من عند ربنا من الآخر. يعني ايه؟ يعني الموبايل مسلا اي موبايل كده افترض ان ده موبايل ايفون - 00:38:00 المسألة تشويفه كده واو هوبا ده بكم ده؟ طب بعد تلاتين سنة لو انت شفت الموبايلات اللي هتبقى في الارض بعد تلاتين سنة هتضحك على الموبايل اللي كان باقرك - 00:38:20

النهاردة العربية سنة الف تسعمية وخمسين كان ناس مبهورة بموديل. لو هم شافوا العربية الورقية يقولوا ايه الهبل اللي كان زمان ده عشان كده كل سنة اخر موديل ايه؟ اخر اه اه موديل موبايل ايه؟ اخر موديل عربية ايه؟ انما ربنا ما عندوش كده. ربنا كل حاجة

عندہ من الآخر - 00:38:30

لما رينا نزل شريعة التطور النظم التشريعية. الشريعة من الآخر. عشان كده يقول لك طوروا الشريعة الاسلامية. يا ابني دي صناعة ربانية. دي انزار فعلم رباني ده من الآخر. الكلى الصناعية لما عملوها والكلى الطبيعية اللي قد البطاطسية. الكلى الصناعية قد البنى ادمه يقعد علىها المريض. اربع ساعات - 00:38:50

دمه كله يخرج قدام عينه وممكن يجي له عمي بسببها. الكلى الطبيعية بترشح دمك تمانية وتللاتين مرة في اليوم. ما انتاش حاسس بحاجة. ربنا لما بيخلق من الآخر. العين الكاميرا لما الانسان عملها كل ميل فيها عشر تلاف مستقبل

كل مللي فيها ميت مليون مستقبل ضوئي. وبتفرق ما بين تمانية مليون درجة لونية. من الآخر. يبقى الانسان ما يعرفش يجيبي حاجة من يقعد يطور يطور انما ربنا الآخر سبحانه وتعالى لما بيجيبي حاجة بيجيبي لك قمة الكمال في هزا الشيء. الحمد لله -

كفى صلاة وسلاما على عباده الذين اصطفى. أما بعد يعني ايه ربنا للآخر؟ يعني ربنا كل مالات الامر وعواقب الامر بابيتك الى ربك المنهى. انا الى ربك الرجع كل حاجة بترجع له. مصير كل حاجة وعاقبة كل حاجة بابيتك. كل مشروع انت - 00:39:50  
داخلي فيه نهايته بابيتك وماله بابيتك. يعني ايه اسم الله الآخر سبحانه وتعالى؟ يعني ربنا سبحانه وتعالى هو الغاية هي التي ليس بعدها غاية مان ت اللاخ فلان يعادل شئ مان ت اللاخ فلان يعادل شئ - 00:40:10

ليس بعدك شيء. ما فيش حاجة بعدك يا رب في حياتي. ما فيش حاجة أعلى منك في قلبي. ما فيش حاجة اعظم منك اطمح اليها يا رب. وانت الآخر فليس بعدك شيء. عشان كده ربنا سبحانه وتعالى عطاوه ليس له اخر. عطاوه ما لوش حدود - 00:40:30  
الجنة لما بتدخل في اول يوم جمعة فلما ربنا يقول لاهل الجنة تمنوا يتمنوا حتى تنتقطع الرغبة خلاص مش لاقيين حاجة يطلبوها. فحينئذ تفتح لهم ما لا عين رأت ولا اذن سمعت ولا خطر على قلب بشر. طيب احنا دلوقتي في اول جمعة في - 00:40:50  
استتنوا خدوا بالكم دي اول جمعة. اول جمعة عينيهم شافت الدنيا. فما لا عين رأت اللي عمرهم ما شافوه في الدنيا. طب تاني برضو ما لا عين رأت. الله! بس ما لا عين رأت المرة دي هم ياما شافوا في الجنة في الاسبوع اللي فات. فربنا يخلق لهم نعيم في الجنة -

خلاف كل اللي شافوه الاسبوع اللي فات. طب الجمعة اللي بعدها فحينئذ برضو يفتح لو ما لا عين رأة. الله! يعني كل جمعة ربنا يديهم عطاء لم يخلق في الجنة اصلا مثله. ولا اذن سمعت ولا خطر على قلب بشر. الكلام الرهيب ده - 00:41:30 الله الآخر يعرفك مدى سعة عطاء الله سبحانه وتعالى. عشان كده فرج ربنا في بعض الاحيان ما يجييش غير في الآخر. ليه ليه ما يجييش الفرج غير في الآخر؟ ليه ما يجييش الفتح غير في الآخر؟ بعد ما يكون ربنا فضح قدامك كل الاسباب. وفضح قدامك عجز 00:41:50 البشر -

ووضح قدامك دماغك اللي انت معجب بها. وتخطيطك اللي انت مفتون به. وتفاhawk وصموذك اللي انت معتمد عليه والمراكز والصحبة اللي انت مسنود عليها. والاسباب اللي انت عشت شبابك تحصلها. بعد ما يكون ربنا فضح كل حاجة قدامك - 00:42:10  
كله جاب اخره بيجي الاخر بالفرج. سبحانه وتعالى. عشان كده كلام الاخر هو اللي هيمشي في الاخر. في الاخر مش هيمشي غير اوامر الله الاول والاخر. سبحانه وتعالى. ازاي ؟ قام ابرموا امرا فانا مبرمون. ليست القضية ماذا ستفعل - 00:42:30  
القضية مازا سيفعل الله معك ؟ ليست القضية مازا ستفعل في طلب الرزق ولا في طلب الزواج ؟ ولا في طلب المستقبل قضية مازا سيفعل الله معك ؟ ام ابرم امرا ؟ فانا مبرمون. القضية مازا سيدقول الاخر ؟ القضية في الاخر اللي هيمشي - 00:42:50  
كلام الاخر سبحانه وتعالى. ازاي ؟ يعني عاقبة كل شيء يا اخواننا. عاقبة اصحاب المعاشي. شاب بيقول لاصحابه الكلب اللي قاعد هناك انا هعدي بالعربية طيران هجيب لكم رجلين قدام ايديه قدام عينيهما بالكاوتش بتاع العربية بتاعتي كسر رجلين الكلب وهو ايه قاعد بيورى مهارته - 00:43:10

وسرعته وعظمته اسبوع واحد. العربية بتاعة الكاوتتش بتاعها يضرب وهو بيصلحها يقع الكرييك وتقع على ايديه. ايديه اللاتنين تتقطط.

هو ايه ده ما تبصش غير للعواقب. المنزد الاخير المشهد الاخير اللي ما حدش راضي بيص له. واحدة في القضاء واخوها غلبان

شاركها - 00:43:30

شقة هم اللاتنين الشقة مرت الايام اتضاعف سعرها عشرين ضعف. الشقة دي بتاعتي وسلطتي وطردت اخوه من البيت اللي هم اشتروه مع بعض واللي له حق فيه يجي لها مرض من الامراض سرطان في البطن يتوفاها الله. البيت يرجع له هو تاني. القضية قضية الآخر. قضية العواقب. عشان كده - 00:43:50

ما تبصش للعاشي وهو فرحان بالمعصية بتاعته. ولا للزالم وهو عارف يسيطر. ولا للمال الحرام بعد ما حطه في جيده وبيتمتع به. بصل للاخر بصل للمشهد هناك. ما تبصش للطاعة وهو بيتعجب. وبيكافح وبينزل في عز الليل عشان يصللي قيام ليل والفجر. وبيقوم بعزم - 00:44:10

بالليل وتعبان و بتلبس النقاب والدنيا. ما تبصش لده. بصل في الآخر هياخدوا ايه. ما تبصش للتعب وهو نازل جولة وبيدعوا إلى الله بيكلم الناس عن ربنا وبيتكتب مشقة رهيبة وبيحفظ قرآن وبيطلب علم. بصل للاخر ايه اللي هيحصل له؟ الآخر في الدنيا وفي الآخرة مش - 00:44:30

في الآخرة بس ما تبصش للظالم وهو متصل بيتص للآخر المشهد الآخر. عشان كده اسم الله الآخر بيعلمك الامل. ان لما كل الاسباب هتجيب اخرها ربنا لسة ربنا عطاوه ما لوش اخر وقدرته ما لهاش اخر. فلما كل لما كله يقول لك ما عدش - 00:44:50

فيه فايدة او عي تيأس ربنا موجود. بيديك امل رهيب. امل رهيب كان ربنا بيقول للدنيا هات اخرك. بيقول للبشر هاتوا اخركم خيركم ايه يعني؟ ايه الآخر بتاعك؟ اسم الآخر بيعلمك الاستمرار. بيعلمك ان زي ما زي ربنا الاول بيحب انك انت تبقى الاول في حياتك - 00:45:10

ويحب انك تبدأ صحي. ربنا بيحب انك تتمم العمل صحي. بيعلمك الافتقار. ان زي ما انت محتاج ربنا في البدائيات محتاج ربنا في النهايات لازم تفضل رافع ايدك وقلبك متعلق به من الاول للنهاية. اسم الآخر مدرسة. الله الاول والآخر يا جماعة. نعبده ازاي بالاسماء دي؟ نعبده - 00:45:30

زي باسمه الاول والآخر. ازاي؟ نعبده ازاي بهذه الاسماء العظيمة؟ اول حاجة نعبده بها. بسم الله الاول والآخر ان ربنا يبقى اول وآخر كل حاجة في حياتك. اول يومك مع الله بالذكر وآخر يومك مع الله بالذكر. ربنا يبقى الاول في كل مرحلة من مراحل حياتك. دخل سانوية عامة. لأ داخل - 00:45:50

علاء متاخ متخرج لقى تجوز ربنا. انك تعرف ان ربنا هو الاول والآخر. الكل في الكل فانت ما ينفعش تعمل حاجة من غير ربنا ولا الوحيد في كل مرحلة من مراحل حياتك. ان ربنا لازم تيجي من عنده الاول. فلازم تبقى انسان متدين. لازم تبقى انسانة ملتزمة. لازم تبقى - 00:46:10

عبد لله لازم تهتم بالعبادة لأن مية في المية من اوراق القضية باید ربنا لوحده. سبحانه وتعالى. انك تعرف قيمة الدعاء. لأنها لازم الاول تيجي من عند ربنا سبحانه وتعالى. انك انت لما الادان يدين ما تقولش الاول اخلص المكالمة. ولا الاول اخلص - 00:46:30

مزكرة ولا الاول اعمل المشوار. ولا الاول هو الاول سبحانه وتعالى. الاول ربنا قال لا تقدم على الله شيء ربنا ما يرضاش معاملة درجة تانية ابدا. ابدا. ربنا هو الاول. يبقى لازم يبقى الاول في حياتك. تعبده ازاي باسمه الاول؟ انك تبقى الاول - 00:46:50

تبقي الاول معك زي ما اول كل خير في حياتك كان هو يبقى انت الاول في الاستجابة لكل امر من اوامره سبحانه تعالى لانك انت لو اخرت ربنا في حياتك ممكن ربنا يأخر اجابة دعائك. في اشد ما تكون محتاج لله. سبحانه وتعالى. انك تبقى الاول - 00:47:10

وانا اول المسلمين وانا اول المؤمنين. عشان كده في علماء قال لك واحنا بنقول وانا اول المسلمين. فاحنا لما بنقول الزكر ده في استفتاح الصلاة بنقول وانا من المسلمين. ده النبي هو اللي الاول. فيه علماء قالوا لأنها هي مش معنى اول المسلمين ان آآ انما واحد في الترتيب الزمني - 00:47:30

الاول يا رب انا هاسبق الناس دي كلها لك. زي ما فضلك سبق الي. انا هسبق اليك يا رب. يبقى اول قال لك هنا يعني معناها يا رب انا سانتافس وساسبق كل من ينافسني. اليك يا رب العالمين. ازاي تعبد ربنا باسمه الاول والآخر؟ ان ربنا يبقى - 00:47:50 والنهاية في كل حدث في حياتك. ربنا البداية والنهاية في كل مشروع جديد انت داخله. في كل في كل يعني ربنا الاول والآخر في الدرس اللي احنا فيه ده ربنا الاول والآخر في الليلة اللي احنا طالعينها دي. ربنا الاول والآخر في قيام الليل. يعني ايه الاول؟ الاول اللي ما فيش بداية - 00:48:10

ولا حاجة جديدة هتحصل في حياتك غير لما هو الاول. بيجي من عنده الخير. يعني ايه الآخر؟ يعني المقصد والغاية. المقصد والغاية العظيمة اللي انا بها. يبقى ربنا البداية والنهاية في حياتك اللي هي انا بك واليك تعبد ازاي؟ باسمه الاول والآخر. انك انت تفهم زي ما النبي عليه الصلاة والسلام هو النبي - 00:48:30

ليه كان قبل ما ينام لازم يجيب الاربع اسماء اللي هم الاركان الاربعة لخلوص القلب ليه؟ اللي احنا سمعناهم في صلاة المغرب هو الاول والآخر والظاهر الاول والآخر والظاهر والباطن اسماء مرتبطة بعض. الاول والآخر تجعلك لا ترى الا الله في كل امر. هو الكل في - 00:48:50

سبحانه وتعالى سبحانه وتعالى. ببقى الاول والآخر لا ترى الا الله في كل امر. والظاهر والباطن لا ترى الا الله في كل خلق. ربنا ظاهر كل واحد بضم لاي مخلوق حواليك. مين اللي يخلق ده غير ربنا؟ ربنا زاهر جلاله في كل مخلوق وباطن. باطن كل - 00:49:10 باطن كل خلق وكوامن كل خلق للمتفكرين لا تدل الا على الله. فظاهر كل شيء وباطن كل شيء لا يدل الا على الله الاربع اسماء دول هم الاركان الاربعة لخلوص القلب لله. سبحانه وتعالى. عشان كده النبي عليه الصلاة والسلام كان ينام عليهم. انت الاول. فليس قبلك شيء - 00:49:30

ليس قبلك شايف ايه ها اللي استوعب معي الدرس ده ليس قبلك شيء فيه. الوجود ليس قبلك شيء فيه. الامر والسيطرة انما ليس قبلك شيء فيه. الاغاثة والنصرة والحفظ والفتح ليس قبلك شيء في قلبي. ليس قبل - 00:49:50 القدر وتقدير الامور. ليس قبلك شيء في القدر. ليس قبلك شيء في اولويات حياتي. ليس قبلك شيء في اي شيء في الحياة وانت الآخر فليس بعدك شيء. ليس بعدك شيء. ما فيش حاجة بعدك. ما فيش غاية اعلى منك اقصدها يا رب. ليس - 00:50:10 فيبعدك شيء في الوجود ليس بعد وحى اللي يخلدوا في الجنة هم بيخلدوا باقين بباقائك انت يا رب. فكل شيء بيبقى هو باقي البقاء انت فليس بعدك شيء سبحانه وتعالى. ازاي انك انت الظاهر وليس فوقك شيء. وانت الباطن وليس دونك شيء - 00:50:30 لو مرة كده نبقى نقف برضو مع اسم الله الظاهر والباطن سبحانه وتعالى ازاي؟ ان احنا ان احنا نعبد ربنا باسمه الاول والآخر ازاي ان احنا ليه يا اخوانا الاول والآخر ما جاوش غير في سورة واحدة في القرآن؟ اللي هي سورة ايه؟ سورة الحديد. اشمعنى سورة الحديد. اشمعنى سورة الحديد - 00:50:50

ببيجي فيها الاول والآخر. عشان تعرف اسر اسماء الله الحسنى في تغيير عزيمتك في الحياة. وفي قوة همتك في الحياة. وفي انك تتغير. طلع من جواك طلع الطاقة الجباره الكامنة اللي جواك. اشمعنى في سورة الحديد؟ لأن سورة الحديد بتتكلم عن الناس اللي اتأخرت. الناس اللي اتأخرت فمها - 00:51:10

حق رعايتها. الناس اللي ما قدرتش توصل للنهاية. ولكنكم فتنتم انفسكم وتربيصتم. الم تكن معكم؟ الم نكن معكم؟ لا. انتم خرجمتم ما قدرتوش تكلموا. الم يأن للذين امنوا ان تخشع قلوبهم. متاخرين ليه؟ بنتوانى ليه؟ مقضياها صلانيه في طريق ربنا ليه - 00:51:30 يا عم دوس بنزين شوية في الطريق الى الله. لا يستوي منكم. من انفق من قبل الفتح وقاتل. اولئك اعظم درجة. من الذين من بعد وقاتلوا. فيه ناس ما بتجييش غير بعد ما بتحلو. فيه ناس ما بتجييش والطريق الى الله خطير. فيه ناس ما بتجييش والطريق الى الله موحش. فيه ناس ما بتجييش - 00:51:50

والمجتمع نافر عن الدين والالتزام. فيه ناس ما بتجييش غير بعد ما كله بيدخل الجامع يقوم ويدخل في الآخر. الحديد بتتكلم عن الناس اللي ربنا بيقول لهم ما تتأخروش. ما تتأخروش في طريق ربنا. فيبيجي الاول والآخر اللي بتحط لك الدنيا كلها بجزيره بالاسباب

ايه اللي معطلك عنه؟ هو الاول والآخر. ايه اللي معطلك عن الله سبحانه وتعالى؟ وهو الاول والآخر اسم اللي ينطلق الى الله سبحانه وتعالى. اخواني واحبابي في الله الم نجعل له عينين ولسانا وشفتين وهدينا التجددين. مش ربنا اداك -

00:52:30

اللي هي وسيلة الفكر ولسانا وشفتين وسيلة الزكر. فلا اقتحام العقبة. ما بتقتحمش ليه؟ ما بتتقدمش في طريق ربنا لما اتكلم عن عصاة الظلمة قال فما اصبرهم على النار. المفسرين قالوا ما اصبرهم على المعصية التي تورث النار. اللي بيعصي ربنا -

00:52:50

اللي عارفين ربنا ما عندهمش جلد في الطاعة ليه؟ ما عندهمش جلد في قيام الليل ليه؟ ما عندهمش جلد في جلسة الضحى ليه؟ ما عندو في حفظ القرآن ليه؟ مش ابن القيم بيقول الله هو اول كل شيء وآخره. بيقى حفظ القرآن اوله وآخره بالله. بيقى -

00:53:10

قيام الليل اوله وآخره بالله. بيقى طلب العلم اوله وآخره بالله. بيقى بناء بيئه ايمان اوله وآخره بالله. انك تعرف ان اولك وآخرك بالله سبحانه وتعالى فمبتكلاك منه ومنتهاك الى الله سبحانه وتعالى اهل الباطل بيتعبعوا وهم ما عندهمش الاسماء الحسنى اللي عندنا -

00:53:30

وجوه يومئذ خاشعة. عاملة ناصبة. ابن تيمية في الفتاوي الكبرى يقول هذا حال اهل الباطل في الدنيا. خاسعين للعقيدة بتاعتتهم خاسعين للعقيدة. عاملة الناصبة شغالين ليل نهار. ببنصيوا وبيتعبعوا. ده اهل الباطل عشان الباطل. انت عشان الاول والآخر هتعمل ايه؟ انت -

00:53:50

عشان الله العلي العظيم هتعمل ايه؟ انت عشان الله دي الاسماء الحسنى. رب العرش العظيم. ذو الجلال والاكرام. كل شيء هالك الا وجهه. كل شيء هالك. كله بك زيزرو. ما فيش غير الله سبحانه وتعالى. الناس اللي اشتغلت عشان البيك زيزرو -

00:54:10

اشتغلوا ليل نهار عاملة ناصبة بيقتحموا العقبة. والناس اللي شغالة عشان الاول والآخر. ما بيتعبعوش ليه؟ ما ليه؟ ما بيضحوش ليه؟ ما بيبدلواش ليه؟ هو الاول والآخر دي كانت بداية الليالي الایمانية بتاعتتنا بازن الله سبحانه وتعالى -

00:54:30

اللي يعني كانت بدايتها الليلة بفضل الله وبفتح الله وبتوفيق الله سبحانه وتعالى. يعني كانت بدايتها الكلام مع الله سبحانه وتعالى. والواحد عنده نية بازن الله يا رب بازن الله ونسأل الله سبحانه وتعالى المدد والتيسير. هو الاول والآخر سبحانه وتعالى. اه يعني الواحد عنده نية ان شاء الله انه يكمل شوية في الاسماء الحسنى -

00:54:50

بازن الله سبحانه وتعالى حاول المرة الجاية كده ممكن مسلا اسم الله التواب ممكن مرة ناخذ مسلا يعني ايه الاسماء فيه اسماء كده الظاهر مرة الباطن مرة ناخذ مرة مسلا في اسماء جميلة يا اخواننا وعظيمة و مليانة معاني جباره زي ما خدنا قبل كده مع بعض البر وخدنا قبل كده مع بعض اسماء كتير -

00:55:10

كتير بقى والصد وو والمتكبر اسماء الله كل اسم من اسماء الله حياة. حاول نعيش مع اسماء الله الحسنى حاول نسمع دروس عن اسماء الله الحسنى حاول نكتتر في الدعاء نكتتر في العبادة. حاول نجيب كتاب عن اسماء الله الحسنى ونقرأ فيه. حاول نرتبط باسماء الله وصفاته وذكره -

00:55:30

الله حاول انا عارف ان الدرس النهاردة يعني معلش يا اخواني انا اسف والله عارف ان هو تقيل. وعارف ان هو فيه كلام كتير ومعاني كتير وداخلة في بعضها. انا عارف بس ما كانش قدام -

00:55:50

في بديل غير انا يا اما اقوله على مرتين يا اما اقوله بسرعة شوية. فمعلش ممكن تبقى تحتاج انك انت تسمعه تاني. او انك انت تجيبيه وتسمعيه تاني وتجيب النقط وتشوف الاول والآخر لمس قلبك في ايه؟ المعاني اللي احنا قلناها ده ايه؟ اي معنى منها لبس قلبك بقى؟ لانك انت لازم تدعى -

00:56:00

بسم الله الاول والآخر. يا اول يا اخري يا رب. لازم تدعى باسم الله الاول والآخر. فوانت بتدعى ايه المعنى اللي لبس قلبك وايه المعنى اللي عاش مع قلبك؟ ان شاء الله بازن الله الجمعة الجاية تبقى ليلة ايمانية برضو بازن الله من المغرب للعشاء. مع اسم من اسماء الله الحسنى ان شاء الله بازن -

00:56:20

نسأل الله التيسير والدرس بتابع بكرة بكرة التفسير اللي هو مسابقة الشيخ مصطفى العدوى اللي من المغرب للعشاء. ان شاء الله بازن الله غالبا هتبقى الحد من المغرب للعشاء. غالبا ان شاء الله بازن الله هتبقى الحد من المغرب للعشاء. يعني آآ بدل السبت عشان درس الدكتور عبدالرحمن الصاوي - 00:56:40

في آآ مسجد البدر جمبنا هنا. فتبقى الاحد من المغرب للعشاء. ونحاول برضو ان احنا نخلص الدرس هنا بده الليلة الایمانية هنا بدرى ان شاء الله. عشان آآ بتابع دكتور احمد عبدالمنعم في البدر بيبقى يوم الجمعة بعد صلاة العشاء بازن الله سبحانه وتعالى. اللهم اهد قلوبنا. اللهم اصلاح قلوبنا. يا - 00:57:00

قولوا يا اخر يا من بيديك الامر كله. يا رب العرش العظيم يا اول كل خير واخر. يا اول كل فتح واخره يا اول كل مدد واخره يا مهيمن يا من بيديك الامر كله. اللهم غير حالنا لاحسن حال - 00:57:20

الله اصلاح لنا قلوبنا. اللهم زكن لنا نفوسنا. اللهم ايدنا بروح منك. اللهم قوي في رضاك عزمنا. اللهم استخرج منا ما يرضيك عنا. اللهم اقمنا على مرادك منا. اللهم ارزقنا صلاة ترضى بها عنا. اللهم افتح لنا في قيام الليل يا - 00:57:40  
يا اخر يا اول يا اخر. اللهم افتح لنا في قيام الليل. اللهم افتح لنا في جلسات الضحى. اللهم افتح لنا في الغدو والاصال. اللهم افتح لنا في اذكار الصباح والمساء. اللهم اجعلنا من اهل الصيام والقيام. يا اول يا - 00:58:00

يا اول كل خير. يا اول كل فتح. يا اول كل نور. يا اول كل تغيير. يا اول كل مدد وبركة ورزق. يا اول كل عافية يا رب العالمين. يا نور السماوات والارض يا ارحم الراحمين - 00:58:20

يا ودود يا ودود يا ودود. اللهم صلنا بودك. اللهم اهدنا بجودك اللهم اهدنا فيمن هديت وعافنا فيمن عافيت وتولنا فيمن توليت وقنا واصرف عنا شر ما قضيت - 00:58:40

الله زدنا. اللهم زدنا ولا تنقصنا. اللهم اكرمنا ولا تهنا. اللهم اعطنا ولا تحرمنا اللهم اثرنا ولا تؤثر علينا. اللهم اسلل سخائب صدورنا. اللهم الف بين قلوبنا. اللهم اصلاح فساد قلوبنا - 00:59:00  
وبنا اللهم بارك في اخوتنا فيك وبارك في اجتماعنا عليك. يا مصرف القلوب صرف قلوبنا على طاعتك. برحمتك يا ارحم الراحمين سبحانك اللهم وبحمدك اشهد ان لا الله الا انت استغفرك واتوب اليك - 00:59:20